

Stav 3. mijenja se i glasi:

"3. Propisom Upravnog vijeća određuje se naknada koju Centralna banka isplaćuje bankama na iznos rezervi."

Član 2.

Ovaj zakon stupa na snagu narednog dana od dana objavljivanja u "Službenom glasniku BiH", a objavit će se u službenim glasilima entiteta i Brčko Distrikta.

PS BiH broj 38/03  
23. aprila 2003. godine  
Sarajevo

Predsjedavajući Predstavničkog doma Parlamentarne skupštine BiH <b>Šefik Džaferović, s. r.</b>	Predsjedavajući Doma naroda Parlamentarne skupštine BiH <b>Velimir Jukić, s. r.</b>
---	--

124

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine, na sjednici Predstavničkog doma, održanoj 22. aprila 2003. godine i na sjednici Doma naroda, održanoj 23. aprila 2003. godine, usvojila je

## ZAKON

### O IZMJENAMA I DOPUNAMA ZAKONA O POLITICI DIREKTNIH STRANIH ULAGANJA U BOSNI I HERCEGOVINI

Član 1.

U Zakonu o politici direktnih stranih ulaganja u Bosni i Hercegovini ("Službeni glasnik BiH", broj 17/98) u članu 5. stav (a) mijenja se i glasi:

" (a) Strani ulagači u Bosni i Hercegovini moraju registrovati svoja pojedinačna ulaganja kod nadležnog organa Države.

U cilju prikupljanja informacija o registrovanim firmama sa stranim ulaganjem, nadležni registracioni sudovi dužni su najmanje jedanput u tri mjeseca, obavijestiti nadležne organe Države i entiteta o takvim registrovanim firmama.

U stavu (b) pod (i) riječi: "i Entiteti" se brišu, pod (ii) riječi: "i svakog pojedinačnog Entiteta" se brišu i pod (iii) riječi: "ili odgovarajućeg Entiteta, zavisno od slučaja" se brišu.

Stav (c) se briše.

Stavovi (d) i (e) postaju st. (c) i (d)."

Član 2.

Ovaj zakon stupa na snagu osmog dana od dana objavljivanja u "Službenom glasniku BiH", a objavit će se u službenim glasilima entiteta i "Službenom glasniku Brčko Distrikta".

PS BiH broj 39/03  
23. aprila 2003. godine  
Sarajevo

Predsjedavajući Predstavničkog doma Parlamentarne skupštine BiH <b>Šefik Džaferović, s. r.</b>	Predsjedavajući Doma naroda Parlamentarne skupštine BiH <b>Velimir Jukić, s. r.</b>
---	--

125

Na osnovu člana 44. Poslovnika Predstavničkog doma Parlamentarne skupštine Bosne i Hercegovine ("Službeni

glasnik BiH", broj 20/00) i člana 38. Poslovnika Doma naroda Parlamentarne skupštine ("Službeni glasnik BiH", broj 27/00), Parlamentarna skupština Bosne i Hercegovine na sjednici Predstavničkog doma održanoj 9. aprila 2003. godine i na sjednici Doma naroda održanoj 10. aprila 2003. godine, donijela je

## ZAKLJUČAK

### O FORMIRANJU ZAJEDNIČKE KOMISIJE OBA DOMA ZA EVROPSKE INTEGRACIJE

I

Formira se Zajednička komisija oba doma Parlamentarne skupštine Bosne i Hercegovine za evropske integracije (u daljem tekstu: Zajednička komisija).

II

Zajednička komisija ima 12 članova, od kojih se 6 imenuje iz Predstavničkog doma a 6 iz Doma naroda.

III

1. Zadaci Zajedničke komisije su:

- raspravlja opća pitanja koja se tiču evropskih integracija;
- prati izvršavanje prava i obaveza Bosne i Hercegovine proizašlih iz međunarodnih ugovora koji se odnose na Vijeće Evrope;
- koordinira rad matičnih radnih tijela u vezi sa evropskim integracijama i dostavlja im mišljenja, preporuke i upozorenja;
- analizira posljedice interacijske strategije po Bosnu i Hercegovinu i priprema sveobuhvatne izvještaje;
- nadzire izradu studije izvodljivosti i prati provođenje predpristupne (Proces stabilizacije i pridruživanja) i pristupne strategije BiH;
- nadzire provedbu usklađivanja zakona BiH sa *acquis communautaire* (pozitivnom legislativom EU) kada Komisija stekne kapacitet za to;
- saraduje sa institucijama u BiH (posebno sa Direkcijom za evropske integracije), institucijama EU i drugih zemalja u vezi sa pitanjima integracije;
- organizuje prezentacije javnog mišljenja o pitanjima integracije;
- prikuplja, pohranjuje i sistematski prezentira članovima Komisije informacije u vezi sa EU;
- nadzire korišćenje dodijeljenih sredstava EU;
- vršiti druge poslove u vezi sa evropskim pitanjima koji ne spadaju u djelokrug ostalih radnih tijela;
- održava javna saslušanja u vezi sa pitanjima evropskih integracija u cilju prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim sferama.

2. Zajednička komisija razmatra i druga pitanja vezana za evropske poslove.

IV

Prvu sjednicu zajedničke komisije sazivaju predsjedavajući oba doma.

Zajednička komisija među svojim članovima bira predsjedavajućeg, prvog i drugog zamjenika predsjedavajućeg iz redova tri konstitutivna naroda.